

06. 10.2016

UKA2016/46

**Kalaallit eqqumiitsuliaannut nunatta eqqumiitsulianik saqqummersitsiveqalernissaa pillugu
Naalakkersuisut peqquneqarnissaannik Inatsisartuni aalajangiiffigisassatut siunnersuut.**
(Inatsisartunut ilaasortaq Múte B. Egede, Inuit Ataqatigiit)

Inatsisartunut ilaasortap Múte Egedep aalajangiiffigisassatut siunnersuutaanut, Nunatsinni eqqumiitsuliornikkut saqqummersitsiveqalernissaanik 200 mio. kronernik akeqassangatinneqartumik sanatinneqarnissaannik peqquneqarnissaannik imalimmut qujavugut.

Siumumit siunnersuuteqartup Illorsuarmik pilersitsisoqarnissaanik isummersorneranut paasinnippugut aammalu tamanna tunngavigalugu isummap taamaattup tunngaviatigut tapersernarnera Siumumiit oqaatigissavarput. Ilaatigut piorsarsimassutsikkut aammalu kulturikkut illorsuartut kateriffittut atorneqarsinnaanissaattaaq isummami ilaasoq maluginiarparput.

Siumumiit saqqummiussap matuma aalajangiiffigisassatut siunnersuutigineqartup itigartinneqarnissaanik inassuteqarpugut.

Anneruumik, itigartitsinitsinnut, oqimaalutaatigisarput tassaavoq aalajangiiffigisassatut siunnersuummut aningaasartuutissatut qaqinneqartut 200 mio. koruuninik tagginneqartup aammalu ukiumut 5 mio. koruuninik ingerlanneqarneranut akeqartussatut missiliorneqartut imaaliallaannaq akuerinissaannut tunngavissaqarsorinngilagut.

Taamaattumik Siumumiit siunnersuutip matuma taama isikkoqartillugu itigartinneqarnissaanik inassuteqarnerput oqaatigissavara.

Ineqi Kielsen
Siumut